



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i člana 129 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), Skupština Brčko distrikta BiH, na 19. redovnoj sjednici održanoj 15. novembra 2017. godine, donosi

ODLUKU
O ODRŽAVANJU JAVNE RASPRAVE O
NACRTU ZAKONA O ZABRANI PUŠENJA I DRUGIH OBLIKA UPOTREBE DUHANA I
DUHANSKIH PROIZVODA NA JAVNIM MJESTIMA U BRČKO DISTRIKTU BiH

Član 1

Ovom odlukom uređuje se način održavanja javne rasprave o Nacrtu zakona o zabrani pušenja i drugih oblika upotrebe duhana i duhanskih proizvoda na javnim mjestima u Brčko distriktu BiH.

Član 2

Nosilac aktivnosti provođenja javne rasprave je Komisija za rad, zdravstvo i socijalnu zaštitu Skupštine Brčko distrikta BiH uz podršku Vlade Brčko distrikta BiH – Odjeljenja za zdravstvo i ostale usluge.

Član 3

U roku od tri (3) dana od dana usvajanja ove odluke, Nacrt zakona iz člana 1 ove odluke učinit će se dostupnim na web-stranici Skupštine Brčko distrikta BiH www.skupstinabd.ba i web-stranici Vlade Brčko distrikta BiH www.bdcentral.net.

Član 4

Javna rasprava održat će se 23. novembra 2017. godine s početkom 12 sati u velikoj sali Skupštine.

Član 5

Finansijska sredstva za organizovanje i provođenje javne rasprave osigurat će Skupština Brčko distrikta BiH.

Član 6

Nakon provedene javne rasprave, Komisija za rad, zdravstvo i socijalnu zaštitu će sumirati kompletnu raspravu i podnijeti Skupštini Brčko distrikta BiH izvještaj s prijedlozima i mišljenjima s javne rasprave.

Član 7

Zapisnik s javne rasprave bit će dostavljen poslanicima Skupštine Brčko distrikta BiH i gradonačelniku Brčko distrikta BiH najmanje petnaest (15) dana prije nego što se Nacrt zakona iz člana 1 ove odluke uputi u proceduru drugog čitanja.

Član 8

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-254/17

Brčko, 15. 11. 2017. godine

**PREDSJEDNIK
SKUPŠTINE BRČKO DISTRIKTA BiH**

Esed Kadrić

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za zdravstvo i ostale usluge
5. Komisiji za rad, zdravstvo i socijalnu zaštitu Skupštine
6. Sektoru za koordinaciju politika i opće poslove
Odsjeku za opće poslove
7. Arhivi